

# Protocol della radunanza della Romania 1961 el Kino Darms, Glion

Objekttyp: **Group**

Zeitschrift: **Igl Ischi : organ della Romania (Societat de Students Romontschs)**

Band (Jahr): **49 (1963)**

PDF erstellt am: **17.07.2024**

## **Nutzungsbedingungen**

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

## **Haftungsausschluss**

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

# PROTOCOL DELLA RADUNANZA DELLA ROMANIA

da s. Stiafen 1961 el Kino Darms, Glion

Il sgr. president Hendri Spe-scha sa beneventar ina roscha-da aunc mai vesida. Ei sto bu-namein esser che la Romania reparti oz dividendas! En siu plaid de beinvegni menzione-scha el ch'il comite actual hagi anflau per bien de far la radunonza a Glion per esser en in liug central ed aschia dar a tons commembers sco mo pusseivel la pusseivladad de far part della radunonza hodierna. In beinvegni special gaudan sgr. cuss. naz. dr. Sep Condrau, sgr. dr. A. Cahannes, sgr. cuss. gov. dr. E Huonder. El suppli-chescha lu la tschentada, presentond la gliesta de tractandas, de reservar ton temps sco pusseivel per la damonda spinusa dil 'De' e 'Da', denton era en lezza damonda vegli ins far aschi cuort sco pusseivel per che nos students anflien aunc il temps necessari per lur radunonza generala che suondi.

Protocol prelegius dil president dils students, rendaquen e preventiv de nies valent cassier sgr. I. Beer ed il rapport dils revisurs prelegius da sgr. prof. Cavigelli, vegnan approbai senza discussiun.

Siu rapport porta il president en duas parts. Ina che cumpeglia il rapport de lavur

e l'autra in'orientaziun sur dil svilup della questiun De e Da e la posiziun dil comite actual. En si'emprema part regorda el en plaids d'engrazieivladad a nos amitgs e valents romontschs dr. Guglielm Gadola e prof. Duri Sialm che han astgau bandunar quella tiara romontscha spinusa bia memia baul. Ils presents undreschan ils cars defuncts cun in cuort memento. El decuors digl onn ein differentas ediziuns della Romania comparidas sco p. ex. Tschespet ed Ischi, ils organs officials, s. Clau, Levzas petras ed in cudisch de canzuns procuraus dalla secziun studentica. Il president engrazia a tuts ils auturs e redacturs per lur gronda lavur. El engrazia era als promoturs e surtut al sgr. cassier ed administratur I. Beer per sia grondiusa e sacrificonta lavur. Il redactur per la part sur-silvana dellas Annalas, sgr. dr. P. Tomaschett che parta, sa retscheiver nies cauld engraziament ed il niev elegiu Sur Felici Maissen nos megliers auguris.

La reorganisaziun planisada entras ils novs statuts presentai dalla commissiun ha buca saviu vegnir realisada. Bein ha la Romania gronda ensemen cun la

secziun studentica fatg in'acziun en tschun vitgs tenor igl intent della reorganisaziun. Culs cuors de romontsch han ins era puspei continuau uonn! Era la secziun studentica ha giu grond sustegn en sias acziuns dil comite actual.

En la secunda part presenta il sgr. president il sviluppi della questiun ,De' e ,Da' tenor ils documents. El numna la questiun spinusa. Il comite actual propona ch'ins stetti tiel status quo interpretond il conclus de Trun 58 valeivels mo pils organs officials Tschespet ed Ischi, per tut gl'auter vegli ins schar libertad. Dalla discussiun han differents signurs fatg diever: Tenor successiun ella discussiun seigien lur nums silmeins manteni: il president dils students, lu sgr. Mihel Maissen, rev. P. Flurin Maissen, sgr. scol. Valentin Vincenz, sgr. G. A. Manetsch, sgr. dr. Donat Cadruvi, sgr. scol. Huonder, sgr. scol. Ignazi Cathomen, sgr. scol. sec. Toni Halter, sgr. prof. dr. Alfons Maissen, sgr. scol. Alfons Vinzens, sgr. v. cuss. naz. Foppa, sgr. dr. Casaulta, sgr. dr. Alexi Decurtins, sgr. dr. G. Condrau, sgr. dr. cuss. guv. E. Huonder, sgr. dr. P. Tomaschett, sgr. v. cuss. guv. A. Cahannes.

La discussiun ei stada viva. Expressiuns e votums el davos temps bein enconuschents ein curdai. Segiramein fuss ei stau materia avunda per in'ediziun scientifica per in Ischi. Dalla discussiun seresultan treis pro-

postas concretas per la vota-ziun. L'ina quella sura numnada dil comite actual, l'autra da dr. Donat Cadruvi, la quala jeu aschuntel cheu sco ella ei stada publicada ella GR dils 29 de december 1961.

1. Ella damonda de/da vala il conclus che la radunonza generala dils 26 de december 1958 a Trun ha priu en principi (status quo). Quei conclus s'extenda tenor la voluntad della radunonza generala della Romania sin tut sias publicaziuns ed in-summa sin tuttas publicaziuns, destinadas per igl intschess della Romania, oravontut sin ils vocabularis, las grammaticas, ils cudischs de scola e. a. v.
2. La suprastanza della Romania ha ded exequir quei conclus integralmein e de procurar che tuttas instanzas e persunas, las qualas han de preparar publicaziuns per igl intschess della Romania, respectien quella scripziun.
3. La suprastanza della Romania ha perquei intent de comunicar il conclus alla Ligia Romontscha ed al Departement cantonal d'educaziun per mauns dil lud. Cussegl pign e de pretender che quei conclus vegni respectaus dallas autoritads ed organisaziuns sco expressiun della voluntad dil pievel sursilvan (intschess della Romania).

4. La radunonza generala della Romania duei per igl avegnir eleger ina commissiun de 5 commembers che ha d'intercurir las pusseivladads de midadas de scripziun en general, che pertuccan denton buca problems sintactics. Quella commissiun ha de rapportar alla radunonza generala de sia lavur e de far eventualas propostas.
5. Quei conclus ei de comunicar ella pressa.

La tiarza proposta ei quella de sgr. mistral Collenberg e secloma: Tut ‚Da‘, denton salvar il ‚Della‘.

La proposta Cadruvi vegn acceptada, — malgrad che in grond diember vess pli bugen votau mo per certs puncts de quella, — cun 131 vuschs encunter 33 per la proposta della suprastonza e 16 per quella de sgr. mistral Collenberg.

Per il studi della caussa propona dr. Cadruvi alla radu-

nonza d'eleger oz in comite che secomponessi dals suandonts signurs: scol. Alfons Vincens, Rev. P. Flurin Maissen, Rev. Sur Gieri Cadruvi, Gion Arthur Manetsch e dr. Alexi Decurtins. Duess in dils proponi buc acceptar, duei ins surschar l'elezciun d'in niev commember della commissiun al niev comitee. Dr. Alexi Decurtins accepta buca per sia part.

Las elecziuns che suondan portan ina midada totala. Il comite vegl demissionescha malgrad la proposta «ils veders» cun detschartadad. Ils suandonts signurs vegnan elegi: scol. sec. Franzestg Degonda, Compadials, sco president, scol. sec. Pauli Giger e dr. Donat Cadruvi. Ils dus ulteriurs commembers dil comite elegia la secziun studentica.

Al cassier demissionont engrazia il pres. cass per sia gronda lavur. Sco successur suonda sgr. Alfons Flury, Trun. Il president gratulescha als elegi e concluda la radunonza.

Turitg, el december 1962

Il protocollist de gliez temps

Giosch Albrecht